

火病咽痛 併附口舌生瘡

夫咽之所以嚥物喉之所以候氣雖居上焦陽

有太陽少陰之脈絡焉人之一身水升火降無壅無

滯則咽自利而喉自暢也若夫土衰水涸則相火蒸

爰致津液枯竭由是而咽喉乾燥疼痛等證作矣火

病至此實真陰失守孤陽無根衝浮於上而乃至此

痰火諸證孰甚於此大抵龍雷之火不可水伏惟滋

陰抑陽使水升火降津液復回庶幾可止若以苦寒



正治則陰火愈熾而脾土自敗猶渴飲鴆立促其斃也

愚謂咽喉諸證有虛有實若上焦風熱君火令人咽喉腫痛或喉痺乳蛾分屬關隘倉卒卽能殺人

然皆失治所致卽至危之際外可施砭淬拔髮咬指吐痰搐鼻等捷法以治其標內服翹射山豆根牛蒡子根鼠粘子等味以拔其本至劇地挽回者亦多若夫痰火咽痛則必諸證悉具甚乃有此何

也以臟敗及於脈絡是根枯而槁及枝葉矣可復
榮乎此蓋陰火浮游進退莫測所以或痛或
非苦寒之可遏也治亦不宜專攻但以主劑中倍
以益陰之品少增暢利之味庶幾得法若以苦寒
直折則陰火愈熾立見傾危也慎之慎之

利咽良品

甘草蜜炙緩火去咽痛若肺熱咽痛同桔梗煎服
知母蜜炒瀉肺火利咽痛



玄參去無根之火利咽痛滋腎水

麥冬去心治虛熱上攻咽痛

以上四味皆痰火咽痛兩利之品其山痘根牛
蒴根惡實子射牛皆苦寒專攻之劑並所不宜
或以貝母百合訶子槐花煎膏噙嚥或以貝母
硼砂末之吹咽治標可也

附諸方

甘桔湯 治喉疼聲音不出

桔梗二兩 甘草二兩略煨 荊芥穗五錢
每服四錢生薑三片引

海上方 治喉痛生瘡聲啞

白礪砂 孩兒茶 青黛 滑石 寒水石各一錢

片腦二釐 黃連五分 黃柏五分 蒲黃

牙硝 桔礬各六分

共爲末以筆筒吹入喉立效

大溫丸 治口舌生瘡諸涼藥不效者



大附子童便煮一炷香 人參三分 桔梗一錢

玄參七分 生地黄一錢 蛤粉五分 升麻四分

右七味共爲細末煉蜜爲丸金薄爲衣薄荷湯

下神效

附捷方

喉痺語音不出用李實根皮一片噙口更用李根皮
水搽項一週

喉痛用倒滴刺根淨汁入些好酒同研滴入喉中痛

立止

又方用猪牙皂爲末和霜梅噙之

又方用茜草根一兩作一服能降血中之火

中氣喉閉急用白殭蠶搗篩爲末生薑自然汁調下
喉立愈

殭蠶屬火而有上與大老得金氣而殭治喉取其
火中清化之氣以散結滯之痰

喉痺取螻蛄蟲汁點在喉中下咽卽開



咽腫用土牛膝搗自然汁和醋服之

本草云牛膝主血結及血塊卽俗名臭花娘

急喉痺其聲如鼾痰在喉響此爲肺絕之候急煎獨

參湯救之服早者十全七八次則十全四五遲則十

不全一也

咽喉痛用諸藥不效者此非咽痛乃是鼻中生一條

紅線如髮懸一黑泡大如纓珠垂掛到咽門而止口

中飲食不入須用牛膝直根而獨條者洗淨入好醋

三五滴入去則絲斷珠破其病立安

喉風牙關緊閉用硃硝一錢五分硼砂五分腦子
釐半白僵蠶二釐共爲末以竹管吹五分入喉立愈

附名醫治驗

押班都知潘元從喉閉急召孫治於夾袋中取藥末
吹喉中少頃潘吐出膿血立愈潘因贈金一百願求
方以濟非常之急孫抄其方授之用猪牙皂白礬黃
連等分新瓦上焙乾爲末用一錢因曰神方無價安

用以利易哉遂不受所贈又潞公一日喉腫因三日
愈甚上召孫治之孫曰須得相公判筆一管用筆尖
點藥入喉孫遂藏鍼於筆尖隨手便刺相公昏仆左
右驚愕孫曰非我不能救相公之急須臾吐出膿血
升餘旬日平復見上喜曰孫真良醫也由是觀之喉
痺以惡血不散故也凡治此疾暴者必先發散發散
不愈次取痰取痰不愈次去汗血也

楊立之知廣州一日喉疼潰爛飲食不進命吏召吉

老診之曰不必服藥但食生薑一片可救也其子有
難色以喉痛安能復食辛辣立之曰吉老神醫但食
不妨遂取一片食之覺香味異常漸加至半觔餘喉
痛頓消飲食如故召吉老而謝之問病所以吉老曰
相公平日多食鷓鴣肉此物喜食半夏苗蓋中其毒
也惟生薑可解故爾獲效之捷

火病泄瀉

泄瀉之證有五脾胃大腸小腸火痕是也然溯其原

大概脾病濕漬所致約其治無乃健脾滲濕爲先若夫痰火病此則屬脾腎兩虛何也蓋腎衰不能攝脾弱不能運脾氣虛則關門之氣亦虛是以不能分別清濁致水液渣滓混入大腸故或溏而或泄也法當君以實土臣以益水佐以清金使以兜澀所謂實土者白朮白芍山藥是也所謂益水者故紙五味是也所謂清金者五味二冬沙參是也所謂兜澀者訶子肉寇連肉芡實是也蓋腎氣實則自能攝脾氣實則

自能運金氣清肅則自能施化雖有外寒內熱飲食
積滯但宜解散消導不可妄攻蓋攻邪則妨正恐觸
涓涓之勢卽未易遏

愚謂泄瀉一證爲亡陰脫液之肇端痰火病此猶
敗葉經霜鮮不凋墜何也以陰虛故動火而復以
此亡其陰則清陽之氣益陷相火之焰益炎下而
窘迫上而咽痛諸證蜂起矣當此之際欲實土則
妨肺欲清金則碍脾醫者寧不掣其肘乎姑以敦

土清金之品末之爲丸徐徐緩服此無伐天和之意班固曰有病不醫得中上正此謂耳

泄瀉主方 治痰火諸證悉具倏而大便或瀉或阻

此脾腎之氣兩虛不能統攝運行或由飲食內傷風寒外襲衝動其勢宜此主之

人參五分 甘草炙五分 山藥炒 白朮土炒

白茯苓去皮 陳皮留白 熟地黃 白芍煨

黃芪密炒 貝母 麥冬 去心各一錢 五味子甘粒



右十二味生薑三片大棗五枚濃煎乘熱徐徐服不宜驟下

若果傷穀食但加炒麥芽少許以消導之然麥芽亦能軟便不可過多

若傷肉食少加山楂

若傷麵食少加神麴

若因風寒直犯太陰腹痛泄瀉本劑減地黃麥冬加炒乾薑一二分熱服外用炒鹽帛裏熨之更宜

少飲湯水

凡痰火之證最宜便實一見便澹卽當警省用藥亦須提防如本劑有知母味苦性寒潤下沉降便軟便澹者宜去之不得已而用者亦須薑汁炒當歸味雖甘溫然亦潤下利便用須減半生熟地黃性寒滯泥亦須薑汁蒸過天門冬性味苦寒潤利便澹者亦須去之其梔芩連栢並屬苦寒脾腎虛者大所忌也按魏氏曰凡泄瀉宜用丸藥蓋土惡

濕而喜燥卽用湯劑亦須濃煎少服蓋湯者湯也
脾虛者所忌以服下卽行不能久注胃中故爾

附諸方

泄瀉丸 治火病便澹或泄或下迫窘痛或脾泄腎
泄並可主之

白朮土炒四兩 橘紅留白 白芍煨 白茯苓去

皮 蓮肉去皮心 芡實取生肉各三兩

腹痛後重加水香二錢久瀉加肉蔻麴裏煨熱去油